



## NUUS

### Begroting 2020

3 Oktober 2019

Begroting 2020: Ons vestig u aandag daarop dat die begrotingsvergadering met ons ouers op 7 Oktober om 19:00 in die FS-sportsentrum sal plaasvind. Tydens dié vergadering sal die voorgestelde begroting vir 2020 goedgekeur word, asook die skoolfondsbedrag en koshuislosies vir 2020 vir goedkeuring voorgelê word. Hierdie besluit sal dan op alle ouers bindend wees. Alle ouers is welkom om hierdie vergadering by te woon.

### Matriekafskeid 2019

3 Oktober 2019

Baie dankie aan elke ouer, leerder, personeellid en ondersteuner wat van ons matriekafskeid so 'n reuse-sukses gemaak het. Die dekor was 'n fees vir die oog, die matrieks het baie mooi gelyk en die kos en die hele aanbieding was onverbeterlik! Daar is baie tyd en opoffering ingesit en dit was alles die moeite werd en ons matrieks sal dit altyd kan koester. Baie dankie!

### Handboekbestellings

3 Oktober 2019

Ons uitgewers, Books 24/7 kom weekliks die bestellings en bewys van betalings by die skool haal. Hulle beplan om die laaste week van Oktober reeds handboeke te kom aflewer. Onthou asb die volgende: Plaas die bestelling met die regte bedrag kontant in 'n toegeplakte koevert met die leerder se naam en u as ouer se kontakbesonderhede voor op die koevert OF heg die bewys van betaling aan die bestelling vas en bring dit na mev Van der Westhuyzen by ons finanskantoor.

### Handboeke 2020 - belangrik!

3 Oktober 2019

Elke leerder het 'n handboeklys vir 2020, sowel as 'n instruksieblad ontvang. Die instruksieblad sit duidelik uiteen hoe u die handboekkwessie moet hanteer.

U moet net asseblief daarop let dat die graad 9, 10 en 11 Wiskunde (nie Wiskunde Geletterdheid nie! - net Wiskunde), sowel as die graad 11 Lewensoriënteringboeke verander vir 2020. Die kooplyste wat u kind ontvang het, dui die korrekte boeke aan. U kan net nie hierdie bogenoemde handboeke tweedehands van 'n ander jaargroep oorkoop nie. Kyk in alle gevalle altyd na die ISBN-nommer van 'n boek sodat u doodseker kan wees dat dit die regte boek is.

### Verlore item na afloop van matriekafskeid gesoek!

3 Oktober 2019

Tydens die matriekafskeid het een van die graad 11-kelnerseuns 'n satyngewerde, swart suede sjaal van een van die onderwyseresse se stoel se rugleuning afgehaal. Seker met die bedoeling dat dit 'n swart lap of tafeldoek was (deel van hul uitrusting of dekor?). Die dame het sentiment daaraan en wil dit vreeslik graag terughê. As enigiemand dalk bewus is hiervan of so 'n item per ongeluk in u huis beland het, sal ons dit baie waardeer as u dit sal inbring kantoortoe. Dankie!

### Gebedsaksie

3 Oktober 2019

Daar is 'n groepie mense wat op gereelde basis bymekaarkom en vir ons dorp se skole bid. Dis op Dinsdae 08:00-09:00. Vir enige verdere navrae kan Anina by 0828204525 geskakel word.

### Gholffprestasies

3 Oktober 2019

Tian van Lill het in Junie reeds by die Boland junior gholf ope in Stellenbosch gespeel en in die O/19-afdeling derde geëindig met 'n telling van 75. Hy en Auden Julies het verder op 15 September by die Boland junior gholf ope in De Zalze gespeel. Tian het in die O/19-afdeling die beste netto telling gehad van 72. Auden was eerste in die O/15-afdeling met 'n telling van 80. Baie geluk seuns!

### Nasorg fasiliteit koshuise

2 Oktober 2019

Ons kry van tyd tot tyd navrae oor 'n nasorgfasiliteit vir ons leerders. Ons het tans so 'n fasiliteit by Huis van Zyl vir dogters en Huis van Imhoff vir seuns. Hierdie nasorgdiens is slegs vir ingeskrewe leerders van Hoërskool Swartland. Dit beloop R35 per middag - middagete, nasorg en studeerfasiliteite ingesluit. Indien 'n leerder nie die middagete wil nuttig nie, beloop dit R15 per middag. Vir enige navrae kan mev De Klerk gedurende skoolure by die skool gekontak word by 022-4821469 of e-pos: ddeklerk@swartlandhs.co.za

### Foto bestellings

2 Oktober 2019

Enige persone wat nog enige foto bestellings wil plaas, kan dit direk by die fotografe doen by: info@y-africa.co.za

### Ses-aan-'n-kant somerhokkieliga

2 Oktober 2019

HSS bied tydens die 4de kwartaal, van 7 Oktober tot 25 Oktober, 'n ses-aan-'n-kant somerhokkieliga aan. Dit sal Maandae en Woensdae vanaf 19:00 by die Astro-hokkiebaan plaasvind, met die finale afsluiting op Vrydag 25 Oktober. Die kostes vir die liga is R200 per speler. Spanne sal bestaan uit ten minste 5 veldspelers en 'n doelwagter. Nie meer as 8 spelers per span word toegelaat nie. Elke span moet bestaan uit ten minste twee O.15-spelers en daar moet seuns en dogters in elke span wees. Elke span verdien 4 punte vir 'n wen, 2 punte vir gelykop en 1 bonuspunt vir wen met meer as 5, of verloor met net 1 doel. Vir die skakel / 'link' om 'n span (of as individu) in te skryf, of vir die reëls wat sal geld, of enige ander navrae, kan die sportkantoor of mnr Lourens gekontak word.

### **Skoolfonds, koshuislosies en busgeld: 2019**

2 Oktober 2019

Die volgende tariewe is vir 2019 goedgekeur:

Skoolfonds: R16 300 per jaar per leerder.

Koshuislosies: R27 700 per jaar per leerder. Geen subsidie of afslag is op koshuislosies van toepassing nie.

Busvervoergeld bly tans onveranderd op R8000 per jaar per leerder vir die vol roete. Enige verandering sal aan die betrokke ouers deurgegee word.

### **Skool, koshuise, bus, rekening nommers**

2 Oktober 2019

Skoolfonds: (Navrae: Mev P van der Westhuyzen)

Rekeningnaam: Hoërskool Swartland, NEDBANK Malmesbury, takkode 154605, rekeningnommer 103 982 7438

Koshuislosies vir dogters: (Navrae: Mev D de Klerk)

Rekeningnaam: Huis van Zyl, NEDBANK Malmesbury, takkode 154605, rekeningnommer 103 983 1311

Koshuislosies vir seuns: (Navrae: Mev D de Klerk)

Rekeningnaam: Huis van Imhoff, NEDBANK Malmesbury, takkode 154605, rekeningnommer 103 983 0463

Busvervoer na en van Riebeek: (Navrae: Mev D de Klerk)

Rekeningnaam: Hoërskool Swartland busdiens, NEDBANK Malmesbury, takkode 154605, rekeningnommer 103 982 9058

By die verwysing moet u asb u kind se leerdernommer (skoolfonds) OF naam en van volledig intik.

## **KALENDER** vir 3 Oktober 2019 - 10 Oktober 2019

3rd Oktober 2019

### **Prysuitdeling**

Stadsaal 19:00

5th Oktober 2019

### **Toutrek te Strand**

7th Oktober 2019

### **Begrotingsvergadering met ouers**

**FSS**

FSS om 19:00

7th Oktober 2019

### **OOV Jaarverslag**

FSS 19:45

8th Oktober 2019

### **Toneelopvoering**

9th Oktober 2019

### **Tennis 1ste S vs Hopefield (tuis)**

10th Oktober 2019

### **Atletiek graadbyeenkoms**

**HSS**

## **HULPBRONNE** bygevoeg in die afgelope 7 dae

### **Handboeke koop graad 12 - 2020**

[http://downloads.d6communicator.com/downloads/resources/245\\_resource\\_5d91bce8b9301554895618.pdf](http://downloads.d6communicator.com/downloads/resources/245_resource_5d91bce8b9301554895618.pdf)

### **Handboeke koop graad 11 - 2020**

[http://downloads.d6communicator.com/downloads/resources/245\\_resource\\_5d91bcd247693967707238.pdf](http://downloads.d6communicator.com/downloads/resources/245_resource_5d91bcd247693967707238.pdf)

### **Handboeke koop graad 10 - 2020**

[http://downloads.d6communicator.com/downloads/resources/245\\_resource\\_5d91bcbb6b516521355146.pdf](http://downloads.d6communicator.com/downloads/resources/245_resource_5d91bcbb6b516521355146.pdf)

### **Handboeke koop graad 9 - 2020**

[http://downloads.d6communicator.com/downloads/resources/245\\_resource\\_5d91bc9f81fef371876478.pdf](http://downloads.d6communicator.com/downloads/resources/245_resource_5d91bc9f81fef371876478.pdf)

### **Handboeke koop graad 8 - 2020**

[http://downloads.d6communicator.com/downloads/resources/245\\_resource\\_5d91bc374db6d411348617.pdf](http://downloads.d6communicator.com/downloads/resources/245_resource_5d91bc374db6d411348617.pdf)

Wil jy die nuus kry soos dit gebeur? Klik hier om die lessenaar kommunikeerder af te laai.